

晚

晴

移

詩

匯

晚晴移詩匯卷一百二目錄

法式善

三十九首

汪如洋

六首

江德量

四首

關槐

五首

許兆棠

二首

謝振定

四首

吳樹萱

一首

武億

四首

莊述祖

三首

王宗炎

四首

楊揆

八首

趙懷玉

三十首

馮宸

二首

趙黻

二首

華蘭

一首

賈湘

二首

沈雲尊

二首

陳學典

一首

沙琛

十首

王鎔

五首

鄭師

一首

張象津

五首

杜漢一首

戈湏五首

王旒一首

陳從潮一首

晚晴移詩匯卷一百二

徐世昌

法式善原名運昌字開文號時帆又號梧門蒙古旗人
乾隆庚子進士改庶吉士授檢討歷官庶子有存素
堂集

詩話時帆論詩主漁洋三昧之說出王孟章柳工
爲五言所居淨業湖側爲李東陽舊宅因修其祠墓
爲作年譜嘗有句云前身我是李賓之又云我於李
賓之曠代歟相契其慨慕風流不啻東坡之於香山
焉

兩間房

留此秦時松挂彼太古月青山從東來宛轉氣一歇空際
放奇觀陰森排萬笏霜風吹老馬煙色逼蒼鶻紅泉瀉秋
澗何處笙竽發

黃土坎

朝過青石梁暮登黃土坎林綠溼敝衣山聲搖醉膽石菌肥可茹井花紅入甕樹頭鸛鵲鳴轉增客悽慘柴門坐老婦土埵瓦鐙闇殷勤勸止宿前途防虎窺吾自就涼月繫馬蘋婆噉

青石梁道中

此是何年雨猶飛百道泉柴門淹虎跡石壁洗蝸涎野店秋無月荒山樹不煙佛堂耿寒夢拈出畫中禪

澄懷園與汪雲壑

如洋

修撰程蘭翹

昌期

編修夜話

客不與秋期秋來客早知鐙光連水溼蟲語吐風遲星斗近依楊竹梧清沁脾無猜羨鷗鷺三兩浴平池

和張水屋

道渥

游西山詩

望去翠無門踏之雲有級山僧欲掩扉客隨孤鶴入
溼雲泥佛龕石乳滴茶竈夜深門不開水與秋俱到

觀泉

我聞玉泉名未見玉泉水何年蒼雪僧劖自松根裏白雲
一夜飛秋雨忽然止居人飲一勺往往天漿比朝涵石氣
清暮瀉山光紫豈知在山時泠泠清若此

西涯詩

西涯卽今之積水潭在李文正舊宅西故名
非別業也余旣辨李廣橋之誤因繪西涯卷

子并摹文正
像於幀首

西涯我屢至未暇考厥名指爲積水潭客至如登瀛今歲
看荷花寫圖紀幽清賦詩皆勝流佳話傳春明茶陵昔賜
第言在西南城西涯乃別業下直聯羣英不知公少日矮
屋三五楹紅鐙炯一樓時聞讀書聲老臣憂國深家室心

所輕故宅竟不保居人凡幾更慈恩寺遺址秋夢時迴縈
騎馬見林木隱隱思平生

路折李公橋吾廬一水隔楊柳綠依依不見李公宅桔槔
亭已頽清響落林隙微風散稻田斜月上松石菜園全荒
涼蓮花總幽僻慘淡經檀花照人猶深碧李公社稷臣杯
酒非所適揮涕白鷗前散髮秋堂夕竹林寄餘興禪房時
著屐偶然出詩句幽懷感今昔鰕菜尙難具平泉安足惜
惟有法華庵空廊黃葉積

客來訪西涯扁舟艤湖口指點城外山問訊風中柳我已
沿舊說溪橋未深剖看花年復年鷗鳥笑人否譬如名士
居不曾辨誰某一旦識姓氏翻悔坐失久快讀西涯詩西
涯胸中有文章驚一代眉壽誇十友翩然神其來面目落

吾手紵衫與朱履破櫝僧能守風流漸銷歇我恐西涯負
但期隨老漁煙篷賣菱藕

和胡蕙麓大令訪西涯先生墓詩

西涯宅廢水空存又叩禪扉訪墓門病衲斜陽翦榛莽老
羝秋雨嚙松根僅留詩句傳湖海無復蘆鹽計子孫三百
年來誰過問暮鴉黃葉畏吾村

寶珠洞

行到翠微頂翠微全在下峭壁不洗濯孤青白淡冶山聲
石上來暮色天際寫土竈然松柴放出煙一把

夢禪居士做香光卷子

好山何處無妙筆不常有偶然參畫禪萬壑秋雲走風霜
老櫨攄煙翠飽菰韭借問荷鋤人梅花栽幾畝

題白石翁移竹圖後

前身我是李賓之立馬斜陽日賦詩今向河橋望煙色一
陂春草幾黃鸝

水流花放自年年誰有閒情似石田幾筆山光秋到竹盟
鷗射鳴晚涼天

送汪杏江庶子養疴旋里

兩年違故山柳色黯江關樓靜月長滿徑荒花亦閒馬循
溪路去鶴識主人還宦橐嫌詩富老妻親手刪

題西涯先生像後

我嘗校公集因知公素志近爲作年譜搜羅及軼事大抵
公性情和平而冲邃在官五十年保全皆善類逆瑾覆網
維百計社稷底卓哉顧命臣焉敢艱危避奈何羅侍郎門

生倡清議王

瓊

陳洪

踵訛

謬顯

與實錄異

韓文

逐瑾之謀

武宗實錄暨明

史載焦芳洩其語雙溪雜

記繼世紀聞乃誣爲公

元真觀碑文安知非作僞嗚呼

公致政魚菜不能備清操有如此乃云徇祿位此像藏閔

氏上有癸亥字公年五十七謹身殿初蒞時和百司理僚

宰無猜忌公早抱隱憂鬱鬱不得意蒼生四海望藐茲一

身寄劉謝繼去國幼主付誰侍微公秉國鈞楊韓將奚置

我過畏吾村墓田久荒棄日暮牛羊來無復狐狸睡

公曾

地爲白狐睡處

見堯山堂外紀

草堂葺三楹四圍楊柳植湫隘匪舊觀幽

潔抵山寺燕許大手筆擬作墓祠記

石君尙書

孰更勒公

像一碑耿寒翠

西涯晚步

微雲剛壓六街塵芳草斜陽辨未眞枸杞蘿摩俱不食櫻

微雲剛壓六街塵芳草斜陽辨未眞枸杞蘿摩俱不食櫻

微雲剛壓六街塵芳草斜陽辨未眞枸杞蘿摩俱不食櫻

微雲剛壓六街塵芳草斜陽辨未眞枸杞蘿摩俱不食櫻

微雲剛壓六街塵芳草斜陽辨未眞枸杞蘿摩俱不食櫻

微雲剛壓六街塵芳草斜陽辨未眞枸杞蘿摩俱不食櫻

微雲剛壓六街塵芳草斜陽辨未眞枸杞蘿摩俱不食櫻

微雲剛壓六街塵芳草斜陽辨未眞枸杞蘿摩俱不食櫻

微雲剛壓六街塵芳草斜陽辨未眞枸杞蘿摩俱不食櫻

微雲剛壓六街塵芳草斜陽辨未眞枸杞蘿摩俱不食櫻

桃芍藥偶相親松陰坐久鬚眉綠山色餐多肺腑春惟有
白鷗閒似我沙汀晚立肯依人

由黑龍潭至大覺寺

路轉畫眉山一村灣復灣人家松樹底酒旆夕陽間牛揀
碧陰卧燕衝微雨還道人灌園罷叉手藥畦閒

恨未攜琴至空聞流水聲古人不相見山月此時明松老
僧同瘦竹陰天自晴煙蓑恐無分徒抱著書情

愛古賴無儕殘碑手自揩石香借泉漱筍稚任花埋廚積
含霜葉爐燒帶蘚柴丹砂不須煉梨棗略安排

憶自經秋雨廊敲竹樹蕪花開幾人到春去一詩無雲氣
連村暗山聲入夜麤牡丹紅處屋遲我十年租

歸宿懷德草堂

暫息登頓勞遂忘行旅苦欲問某醉醒不辨誰賓主炊煙
淡入雲車聲遠疑艣山近秋雨繁林暗大星吐

寄懷王述庵侍郎

文獻東南望風流湖海傳夢迴盤馬地心冷釣魚天松菊
存三逕圖書載幾船北窗且高卧消受好林泉

正月十七日張船山招同人集蜚鴻延壽草堂爲余
作生日賦詩各以其字爲韻

月前拜東坡未和蘇齋詩強韻拈幾回空自勞心脾看鐙
紫陌歸短札城南遺知好釀金錢戒旦春酒治我年五十
三顏髮蒼白滋及今不行樂行樂將何時凍梅伏瓦盆新
放三兩枝溷迹風塵中猶勝桃李姿

幽齋絕管絃曲院迴松杉一桁西山青風送層檐嵌坐客

皆詩流佳句煩鐫鑱我衰百不能大嚼娛貪饒殘葉響空
壁濁酒污朝衫登車望林月已在城頭銜摩抄故人書星
斗翻雲函杏花計日紅細雨迷江帆

時以查梅史詩示坐客

萬壽寺

萬竹忽低池上風水煙吹到寺門空斜陽不管花開未一
角西山各自紅

題畫山水

入山喜聽流泉聲溪畔坐數山花明昨往翠微值秋雨黃
葉滿地無人行吳生蘭雪自恃腰腳健攀盡風梢與霜蔓羨
他逐鳥梯高雲笑我隨僧噉香飯歸來滿胸貯山色畫手
何人能寫得有客示我山水圖山水之外餘筆墨嶽嶽者
石林林松千巖萬壑秋芙蓉谷口有花殘陽紅嶺背築屋

舟不通樵夫牧豎虛無蹤只許老鶴褫褫從飲酒一吸三百鍾振衣直上千仞峯石厂滴綠如江篷延佇又恐來蛟龍涼月送客歸牆東

元日過積水潭

年年騎馬踏京塵誰識風潭自有春岸雪消融溪水活我來又作看花人

肅武親王墓前古松歌

豈有吹簫不用竹謁語分明我王屬成都城塔毀得石碣有修塔于一龍拆塔

張獻忠語又有吹簫不用竹一箭貫當胸語傳爲武侯筆一百三十六營賊爭向將軍

馬頭哭功成身歿何憂勞毅魄上燭星辰高獨有墳旁老松樹鬱勃時藉風悲號枝幹周圍六十丈礪柯未肯扶搖上儼然廣廈萬間底豈藉飛濤半空響松山戰罷搜松材

此樹曾盟帶礪來盤拏直學虬龍走靈爽將疑幢蓋開中
間卻有凌雲勢兀傲不受鬼神制百尺以上若樓聳五步
之內已綠閉偃蹇略比梅花枝人世炎涼總不知偶遭風
雪皮肉壞蒼髯翠鬣仍支離辛酉年風雪甚橫高枝微損我來趨拜墓
門側一縷天光入松色斜陽閃閃隱殘紅白髮蕭蕭變深
黑韋畢不作誰能圖王維之詩今有無惟餘丞相祠堂柏
萬古崢嶸兩大夫

贈黃穀原

均

長安畫士稱三朱

野雲素人自庵

黃生賣畫來京都促膝已覺氣

瀟灑下筆忽見雲模糊結交只有嚴薌府厯下亭邊聽秋
雨卸驢先訪淨業湖百頃蓮花數聲鶻打門同醉西涯齋
蔬筍登盤苔上階夜深誰遣鬼神入牀頭壁上生煙蘿二

客據案各狂笑放筆爲之非意料當場許吐胸中奇大葉
粗枝出神妙望古我爲人材愁此畫何減寅與周飄泊淮
海同沙鷗有才無命將焉求清風明月隨處有白雲在天
筆在手鶴可僮兮僧可友我尙隨人呼漫叟得錢便買菱
與藕三朱邀來同酌酒

合作詩龕畫會卷子

故人聯袂清風來殘雨猶滴詩龕開狂孟麗堂踏破空廊苔

筆花落紙心疑猜東鄰睡足嚴香老府香紅日三竿說太早

浙西有客學冬花朱泉邗上三朱夢春草野雲素人滌齋黃生黃

生穀真太癡灑墨便是無聲詩吳子八傳衙官怕官熱湘竹

爲我圖風枝瑰奇更羨姚太史伯昂一片秋雲墮十指太倉

家法剩二王雨亭粗枝大葉張風子木屋舍人盛甫水部汪

雲
各閉門伏几追寫梅花魂卷尾丹鉛付渲染譬如鴻爪
須留痕我自展向月橋讀喬松怪石生平熟何處種梧何
處竹草閣荒涼不可宿階蟲啾唧樓鐘續黃生自起翦秋
燭解衣磅礴坐寒綠

滌齋素人野雲穀原香府合作詩龕圖摹奚鐵生

滌齋恂恂然依野雲以居畫筆日在手風雨栖蓬廬素人
每嘲之頭低口囁嚅嚴畫拙以古黃畫秀而腴每見滌齋
筆輒歎其弗如奚君自杭州寄我尺素書點染西湖山謂
卽詩龕圖圖尾題斷句已是三年餘懸我粉牆上五客皆
躊躇滌齋歛起草搖筆龍蛇趨素人與野雲寫石兼竹梧
嚴黃但任筆意到神情腴譬如將三軍自先握中樞我從
壁上觀叉手空嗟吁

五鼓起赴蘇齋作坡公生日適西湖風水洞拓得蘇

題姓字四楷蹟同賦

年年蘇齋拜公像拜公輒復吟公詩自題姓字風水洞當
日只有春禽知梅花開落七百載定山村僻誰尋之苔荒
翠溼冷巖月恍惚照見公鬚眉軒昂四字嵌雲壁玉虹作
氣空天吹繫馬花間久相待觀魚池上常縈思獨惜開軒
李居士搜盡杉檜無題碑新墨搨成舊字活端巖跳脫鸞
鳳姿眉州乳媪帖第一此石何啻交柯枝蘇齋日暝布簾
捲溪橋春入千茅茨笑我騎驢勝騎馬疏星破月搖寒漪
余以路遠是日五鼓卽起石屋舊游感前夢曉城薄霧籠朝曦推倒垣
牆見靈隱杭湖風水將留茲

李山人以夢禪居士指寫東坡詩意遺墨屬題

太白以後東坡詩仙乎仙乎出塵姿近來更有夢禪老以
畫爲詩人不知夜中快讀東坡句朝起便寫古松樹松下
仙人誰見之寫出空山辟穀趣先生曰筆不如指自我有
之自我使高且傳亭凱既亡指畫稀問君何處得此紙此紙
淪落塵埃中苔花黯淡秋煙濛萬錢買歸看萬徧雲堂謾
謾迴天風夢禪作畫詩龕題夢禪老年懶于畫余許題詩則必畫之前例創
始王黃倪故人墳上木已拱瞥見遺墨增愁悽李君一生
愛朋友求詩乞畫年年有跨驢訪我月橋東稱述夢禪不
絕口夢禪昔日圖詩龕羅聘驚爲沈啟南山東亦有雲林
閣城北曾無海嶽菴

大覺寺偶題

出城跨驢路幽敞櫻桃樹上倉庚響到寺殘日已西匿看

竹溼雲已東往山中夜雨五更驟門前溪水三尺長老僧
貪涼起誦經漁翁愛晴去撒網偶坐松間理清課輒向天
邊結遙想笑他黃蝶逐花飛羨爾青蟲緣壁上

秦小峴侍郎詩來問病約同李石農茶話余病不克
往用韻謝之兼寄石農

故人各風雨寂寞小西涯階上又春草水邊空暮霞卻煩
寄書雁一訊隔城花廿載禪棲客重來坐日斜石農過夏
寓僧舍最
久

阮芸臺侍郎偕朱野雲山人補種柳樹於拈花寺

清露堂久圯亦園猶可尋遺文漸零落松雪偕雲林詩載
佳山堂三復傷人琴當日毛陳朱聲價侔璆琳相公攜斗
酒溪上時行吟檢討輯舊聞逸事多浮沈

日下舊聞廉園
馮園未甚剴晰

拈花舊刹存禿柳搖疏陰磬聲雲外來觸我清涼心徙倚
古亭西坐聽山鳥音荒涼暮色起遠接西山翠退谷有殘
花西涯無舊寺茲水尙明瑟迴環繞初地蘆芽與葦根雪
盡春風吹陰陽向背勢結構出精意江湖數幽客各具扁
舟思故鄉曠別久姑託魚鳥醉野雲老畫師花間抱佛睡
約我繙殘書補作萬柳記

尋香水院遺址

石厂三五峙言是香水院香水從何來杏花了不見聞說
遼宮人夜鐙洗殘硯風淪硃砂泉春煙微雨變至今水尙
溫殘滴流佛殿我昔跨驢至青蒼石一片柴扉扃莫開呢
喃出雙燕

汪如洋字潤民號雲壑秀水人乾隆庚子一甲一名進

士授修撰有葆冲書屋集

詩話乾隆初仁和金檜門總憲視學江右彭青原方伯製狀元人仙杯以贈總憲貽莊滋圃中丞後歸金海住侍郎會試廷試皆第一嫁女汪氏杯亦佐奩雲壑即其外孫會試廷試又皆第一一時稱佳話鄭炳也贊善詩所謂傳杯舊事分明在衣鉢天教付外孫即指此也雲壑詩命意選辭堅凝密栗不蹈尋常科曰王蘭泉侍郎稱爲清圓朗潤似猶未盡其長

夏秋多雨自趙北口至鄭州二十里間皆成巨浸編

筏以渡宛然水鄉風景也

曉發十里鋪濃雲作

去聲

秋寒秋寒瀉層碧四面江湖寬中

央界燕趙倒影虹橋彎南人困塵沙得水逢舊歡耐可蕩

胸臆且宜濯纓冠柳陰有篙檣爭渡如爭灘故道失雄鄭

稽天勢漫漫周圍下錯田慮隨東逝瀾縱橫互港汊脈絡

紛倪端瘦馬載急遞高軒裝達官布帆熟無恙來往淩屋

山甯知萬梁蕪半飽魚鼈餐我時截中流淒風激微湍感
彼刈穫謀遑恤衣裳單側聞清口漲民廬暴摧殘犍菑賴
重臣上釋宵旰艱茲方積潦致平治諒非難將修道弗政
況異哀鴻歎行殿麗金碧水圍停玉鑾歸途期步謁泥裂
龜紋乾

湯陰謁岳忠武王祠

十室名臣里千秋國士風仙蹤異圯上人望比隆中早究
孫吳略期收耿鄧功格言懲愛死優詔答精忠唾手燕雲
復傷心貝錦攻全軍爭一哭痛飲負諸公鍛鍊俄三字塵
沙奈兩宮割柑樞算險叩馬敵謀工厥厲階長舌惟天鑒
匪躬黃冠歸未得碧血恨難窮下邑崧生始熙朝廟祀崇
貞珉鐫筆札頑鐵鑄奸雄燕領披帷識魚軒配座同奉祠

存嫡系肅客走麤僮游奕兵容壯周流社址空編年遺集
富展祭御碑穹南渡家何在東窗歲幾終撼山猶破膽袒
背孰明衷晝錦芳規接金陀遠夢通辨誣憐籲泣吾念亦
齋翁

安甯州溫泉

連山表三迤水脈珍璧珙狀紆或地中沸作醴源湧砂泉
澈如鏡鑛穴濁於渾能爲春雲蒸暎意沃頂踵茲湯擅第
一臭味屏闌茸澡身有神功五體急投勇雖非八功德信
是妙蓮種其旁紺宇崇松羔夜濤洶夢魂驪山高挾我去
秦隴荒哉軋犂兒繡襖六宮寵腥聞孰蕩滌垢膩猶積壅
豈如天南陬神漢山靈擁揭額古未聞升庵作之脩庶幾
靈臺春衫襪脫械拳達官供頓停蕞爾湯沐輩奈何槃勺

微刻畫到棖栢緬彼飲泉風監茲一神悚

曉行偶占

宿霧荒叢冒似珠曉風蛛陣吐縈紆不須更染初陽色畫
出漁村曬網圖

再過燕子洞

契闊靈山乍兩年重來仍是綌衣天抽身阜莢黃塵外到
眼琪花碧草前終古濤聲常作雨經春苔印又如錢使君
不識忙閒事偷伴孤雲一夕眠

沅江舟中夜雨

疎聲篷背忽脩脩翠石文沙古渡頭燭盡鄰船初罷酒更
稀戍卒懶登樓十年舊續江湖夢千里平添芭杜愁自笑
塵勞緣底事苦將今舊閱浮休

江德量字成嘉號秋史儀徵人乾隆庚子一甲二名進

士授編修歷官御史

詩話秋史博雅好古著述未成富於鑒藏金石書畫多蓄精本善分書工寫生以宋人爲法詩才俊朗傳多作不多

題黃山始信峯麗田老人琴臺

世間奇境乃有此雲海濤頭一峯峙高削千仞中忽分隔
斷塵跡三萬里輿府天開清淨門危橋支石驚心魂是中
止可住仙佛雲連霧斷愁猿猿松花香覆石屏護翠微深
處清音度空山無人雲亂飛寂寂禪琴幾朝暮君不見上
方僧倚筇瘦影臨青冥又不見寒江子斷墨何年蝕風雨
定空禪室獨坐處靜與琴臺共千古

金陵六佳園

中山池館碧溪濱喬木荒涼蹟就湮朱爵已迷巢燕宅青
門並少種瓜人祇餘苔蘚滋三徑大半樓臺屬四鄰更上
危亭看落照鍾山東麓鎖煙榛

奉題時帆先生溪橋詩思圖用覃溪師韻

水流雲在意同此證初心選石坐春晝惜芳穿故林別驚
詩力健豪忘酒杯深得句時還讀琅琅和素琴

拈題邇英閣親試御毫曾地迴依香案歸遲擁院鐙時帆近充

講官提調院事登臺看袞袞執卷尙兢兢笑問源頭水生寒可勝

冰陸鎮堂同年延樞時帆所
受業也後爲同榜進士

關槐字柱生一字曙笙號雲巖一號晉軒仁和入乾隆

庚子進士官至禮部侍郎有青城山人詩集

詩話晉軒應召試賜內閣中書直樞垣以善畫受知
純廟供奉內廷旋入詞館畫山水師董文恪駿駸

入宋元室詩境清曠其寫
景寄情尤具雅人之致

江村

寂寞江村晚蒼茫野逕迷渡閒秋水闊雲冷暮山低落日
明孤塔輕煙冪遠溪歸來沿岸曲人影畫橋西

晚行山中

溪壑恣晚眺古木團幽森落日下平楚閒雲生夕陰悠悠
陟山陂悵望抑何深歸來正蒼莽微月吐西岑

秋晚

天高秋宇闊暮靄掃空庭野寺傳清梵山窗聚晚螢蘿遮
三徑月煙鎖一潭星醉卧幽軒下游仙夢未醒
孫香巖先生以自乘良馬惠贈走筆賦謝

天生神駿宛馬雄一掃凡馬千羣空籜雲躡電驚飛虹騫

騰倏忽追無踪吾師縱控組舞工朝秣夕飲東華東咫尺
上與天闔通年年侍從披雲鬣虎胸彗尾骨格豐志決千
里將毋同解驂脫贈誼獨隆得得滿馬皆春風紫薇郎官
退自公鞭絲帽影花濛濛

尋白雲寺

盤空山澗斷縹緲白雲封四顧杳無路一聲何處鐘鹿行
春蘚滑鶴立午煙濃知有高僧在來尋最上峯

許兆棠字石泉雲夢人乾隆庚子進士改庶吉士授編
修

襄陽雨泊

短劍馳驅久孤蓬尙客星風吹一江黑雨失數峯青複道
臨虛置驚濤入夜聽相看愁不語榜火正熒熒

磁州

水田漠漠稻梁秋
夾岸雙渠向北流
平屋寒煙收不起
綠楊陰裏過磁州

謝振定字一齋號薌泉湘鄉人乾隆庚子進士改庶吉士授編修歷官御史罷復起禮部員外郎有知恥齋集

詩話薌泉爲御史時以風節著時論與之惜未竟其施而遽卒其詩文皆有根柢多可傳誦者

和詹石琴孝廉

尺五樓頭載酒時
花光燭影照離思
盍簪恰應登瀛侶
打

槩爭傳祖道詩

湖上饒別名士畢集賦詩者廿八人

五兩風輕人易去
二分

月好夢全癡
吟道待了愁難遣
負汝鱸魚絕妙詞

石琴在寓食鱸

魚投長篇見謝未有以和也

汲修世子謝餉綠葡萄詩意在得種法次韻奉答用

酬下詢老圃之意

植根欲深苗欲稀清明五日出土遲祭貓瘞犬以時至草
龍向天隨指頤刪除繁冗爽籟集兼旬瓔珞繁卑枝葛囊
鎖護象文褓勿令蜂雀窺重帷慨之侵晨與昏暮摘以筠
籠傾漆匝大珠小珠各風味脆而不酸甘不飮物情消息
似佳醞既多且有旨且時爲君盡輸祕密藏來年報我瓊
瑤詩

萬松寺

拾級上層嶂蒼松來攬人盤旋惑前路松若偕山奔威鳳
互低昂瘦蚪爭嶙峋敲橫挺奇勢羣地無朝曛懸厓氣陰
森巉削出畫皴道枝冒蔦蘿蒙茂雲影屯寒翠染衫袂脩

翛無點塵斯須好風來天籟空中聞古調協宮徵使我清
心魂縱橫歷百折橐駝西向蹲佛屋銜層碧椒詭羅秋雯
萬松青一色護此龍象尊磨礪費天匠變幻如鬼神路阻
舞劍臺西望空逡巡

盤龍松歌

盤山萬松無寸土法藏一松更道古根蟠巨石破石腹宛
轉游龍依卧虎鱗甲參錯護苔蘚彈地屈鐵意偃僂石幢
支肘有神力回枝突出折腰舞自南自北性所便紆餘揖
讓相周旋忽焉西向開華屏蒼髯低拂環翠亭有時天風
來謖謖龍吟不似絲竹肉傳聞此樹五百年鄂公手植金
剛堅老僧闢地思翦伐道人示夢得舍旃老物信有鬼神
護不第拳曲全其天有美斯愛愛斯傳作歌讚頌誰其鐫

吳樹萱字壽庭吳縣人乾隆庚子進士改庶吉士歷官
禮部郎中有霽春堂詩集

光岳樓

層樓飛宇瞰滄溟一遂仙風度鶴翎岱色倚天星歷歷河
流環堞雨冥冥盪胸雲氣無邊白到眼煙光不斷青十載
舊游增愴恍劇憐蹤跡等飄萍

武億字虛谷號授堂偃師人乾隆庚子進士官博山知
縣有授堂詩鈔

詩話虛谷少孤貧伊洛溢室毀處滄此中斲朽木焚
以御寒斧傷指及足流血殷地終不廢讀及登第宰
博山博山民造玻璃或以充貢縣重累虛谷言於大
府奏罷之乾隆季權相擅政妄言王倫未死遣番役
四出蹤跡之至縣虐良民虛谷遠而撻之大府憫得
罪權相假他事劾罷虛谷虛谷直聲震天下仁廟
親政權相得罪有以虛谷前事聞者將起用而虛谷
先一月已卒平生治經史掣金石之學詩其餘事也

亦篤雅不
作當時體

寄李文亭同年

不見李夫子今且歲一周坐滯冷官局和意但無求引水
灌庭竹瘦影對搖秋時泛一尊酒呼與此君酬相要依歲
寒勁節兩相留

昨歲逢梁園各念離居索屬當十月交佇踐故人約入門
半蕭森撼撼黃隕籜有友方山子適與塵鞅縛跂予望同
舟不得並李郭陰沈三日雨窗隙羃冥漠且復盡懷抱因
君叩管鑰

年少學鄉曲動輒井蛙喜側甕徒哺糟食蔗未嘗旨枵腹
而噉噉弄舌以齒齒至言供僂說其失均爲鄙

題錢南渟生壙

自築蓉城寄此身達觀豈必厭紅塵縱然歲月留人住馬
鬣高封不礙人

莊述祖字葆琛武進人乾隆庚子進士官濰縣知縣署
曹州同知有珍藝宦詩鈔

詩話葆琛治訓誥亦兼說心性義理乾嘉之際學者
以講通漢宋爲職志葆琛亦其一也辨釋夏小正簡
別科條自成一家言高自矜
許詩隱秀七絕尤有風致

詠畫

米家潑墨擅風華宜有鶯囀更落花小艇夕陽春色裏半
天新雨醉晴霞

落葉

彈指年光只刹那離鴻歸燕漸蹉跎被池一夜寒如水起
視階前落葉多

述夢

寒宵枯坐類逃虛忽夢春風二月初幾畝柔桑栗留語一池淺水活東書花從絕境非甘隱草有生機詎忍鋤膈膊寒雞催漏盡似憐蝸角靳螯餘

王宗炎字以除號穀塍蕭山人乾隆庚子進士有晚聞

居士遺集

詩話穀塍積學不仕諸經皆有著述未傳文章樸茂詩亦篤雅不佻當時越中推爲耆碩法梧門贈詩有云我友王夫子篤志窮經史自試南宮歸足不出鄉里生徒列北面如坐春風裏一材一藝咸夫子輒色喜其造就就後進甚眾也

鈔谷音畢題以長歌

錢唐潮斷江起埽厓山舟沈白鷗沒鎗藥出土冬青枯忍記犬年與羊月水雲琴客滯幽燕風雨詞人咽糠粃南城

歐血賸錦錢西臺壘豕惟晞髮餘子膠膠天地間白恰黃
冠青布襪鬢絲憔悴拾橡栗形景悲涼弔薇蕨酒後狂歌
熱過耳雪裏行吟寒透骨文章零落過雲煙姓氏沈埋付
碑碣京兆先生愛著書唐瓢可破陸像搯冰雪清詞一百
篇剔抉搜羅到巖窟鬚眉點綴作佳傳片語褒譏榮袞鉞
雲亭問字老侯芭避俗相攜等蛩歷驛提叉閱五百年海
枯石爛字不闕殘鐙對兩手重鈔行間光怪生蓬勃題詩
忽憶趙王孫北行船趁南風發

落葉

蔭樾曾依綠滿叢停車猶愛晚林紅碓敲秦塞三更月颿
冷吳江一夜風未肯借枝因擇地幾曾附木自飛空歲寒
留得貞柯在好養根荄待化工

柏翠松蒼健自如紛紛餘子付刊除塵根解脫還眞樸眼
界寬閒想太虛谷口人歸雲卧後山頭獵罷雁來初論功
大樹封侯事且掃空庭伴校書

春雨學博屬題錢舜舉蘇武歸闕圖卷

穹廬徧野沙茫茫風吹草低雁南翔蘇卿乘風還故鄉節
旄禿落旃裘涼誰與送者右校王跗注韞韋犀毗黃仰天
握手氣不揚苑結抑塞摧肝腸從騎跪進湏酪漿通國十
歲能挽彊射兔掘鼠持作糧胡婦對之心感傷欲別不別
牽衣裳更有灑角羝乳羊肱麾不去鳴聲長子卿忼慨泣
數行從此分袂各一方不復相見毋相忘橐駝驛驥齊足
良行程蒼茫紀不詳漢關峨峨近在望山川重秀日再光
歸詣北關朝未央太牢告祭先帝旁拜典屬國爲列卿道

路觀者如堵牆面目改易鬚眉蒼丹青圖畫何堂堂齧齧咽雪苦葡萄嘗不降不辱臣之綱千載而下誰頡頏洪皓朱弁郝仲常垂示風紀傳無疆

楊揆字荔裳金匱人乾隆庚子召試舉人內閣中書歷官四川布政使有藤華吟館集

吳蘭雪曰荔裳早擅風華中年從嘉勇公出征衛藏所歷熊耳山星宿海諸勝異境天開詩格與之俱變極造幽深發以雄麗字外出力紙上生芒非摹擬從軍行者所能道其一語詩話荔裳與兄蓉裳齊名至出塞諸作奇情壯采得江山之助蓉裳似須議出一頭北江評其詩如滄溟泛舟忽得奇寶正謂此也

峽石驛

嘒鳩喚雨鵲喚晴溼雲正傍晴雲生居人自愛新雨足一牛朝耕破山綠山神高做芙蓉屏頭髮乍沐光盈盈霞綃

霧縠遠莫辨窺客但訝長眉青我行更出層崖上足底流
雲水聲響苔痕黏屐一寸深石筍棱棱雨中長回颿蕭瑟
吹衣裳欲斷不斷愁煙疊連峯去華三百里已有清氣飄
中原平生不識秦川路一片愁心落何處道旁堊壁餘古
灰獨自題名石間去

潼關門

函關西上潼關來旭日正射關門開門開四扇城百雉迢
遞層城屹山峙漢唐設險憑此關連營甲騎屯如山時平
無處問殘壘但見長河萬斛波迴環萬里當風陵雙峽險
初脫青山轉處有餘力山東千重河一折中流無風噴怒
濤重舸徑上長檣搖昨宵我住嚴關下愁聽驚流夢中瀉
河流東注我向西曉上關頭看太華

青海道中

朝從青海行暮傍青海宿平野浩茫茫隆冬氣何肅懸車
通間道萬騎誇拙速嚴霜拂大旗邊聲動哀角飛沙怒盤
旋迎面驟如雹時當澤腹堅海水汙而涸層冰搖光晶黯
慘一片綠或聞大聲發凍折千丈玉中流起危峯勢可俯
喬嶽將傾未傾雲欲飛不飛瀑云是太古雪厭疊如皴瘰
出沒罔象形吐納蛟蜃毒西荒此巨浸洪流所潴蓄卑禾
百戰地秦漢尙遺鏃蕭蕭古壘平兀兀邊牆蘊青燐風焰
小白骨苔花駭夜深駐戎帳凍土徧堦堦冷月懸一鉤荒
荒墮厓谷嗟哉征戍士辛苦離鄉曲試聽青海頭煩冤鬼
猶哭

呈大將軍嘉勇公

袴褶蠻韓結束輕容參幕府學談兵摩雲遠過閭浮界計
日應收的博城麾下偏裨皆壯士軍中禮數到書生驕驕
感贈銀蹏迅免得長途款段行

熊耳山

名山古熊耳禹跡詳記載嶙峋勢如蹲嵩華屹相對眾峯
互迴抱百里分向背中見雙崖披半壁色純黛車輪愁欲
脫馬力行苦憊摩空磴道盤危步履齒礙疎花坼林紅驚
羽墮巖翠下視浮濛流出澗僅如帶隨山三百折始與洛
水匯中原苦平衍到此意殊快全秦收不得奇沓落關外
長空捲層陰絕壑忽晝晦飛雲過太行流影逼衣袂因知
二陵近風雨如有待循途陟高岡勇進非敢退投足得山
坳漫告僕夫瘁

魯工喇

稜稜聳石角設險抵劍門雪霰零其巔草木亦不蕃徑仄
復斜注僅有屐迹存冰柱森槎枒袖手莫敢捫願借九火
輞界以一炬燔庶使窮谷底飛灰轉春溫此志甯一遂徒
與愚公論拄杖三歎息誰爲收驚魂

飛越嶺

沈黎古邊郡頗覺山水惡凌晨過清溪迎面聳厓嶠元和
置縣廢遺址失城郭歸然峻嶺存拔地上寥廓艱危攀石
磴百折勢盤礴陰霾慘冥冥蜚廉肆威虐囚澗伏蛟蜃騰
空斷雕鶚茗亭見邛嶺修坂天際落蝮蛇何綦綦吐瘴昏
旦錯毒厲能中人奚敢試徒搏其巔尤峻嶒虹棟構飛閣
莽莽控番夷天然設扃鑰西陲倚屏障造化非苟作險可

一夫守隘豈五丁鑿經春霜威嚴不夜燐火燭叢灌走魘
魅穹岫嘯猿攫平生跳盪心願盼成駭愕著足借蟠藤捫
手怯朽索我欲圖真形放筆寫巖壑縹緲無端倪方壺定
慚忤

星宿海歌

平沙浩浩不無垠黃霧四塞長風翻憑高極視目眩胸滯
決巨浸圻混元誰歟遠佩褰與韃直跨地首摩天根十步
九折愁攀援瘴煙黯淡旂旗旛我聞導河出崑崙貫納忽
蘭兼赤寶甯知一脈遐荒存灝氣磅礴相吐吞皇輿地載
窮垓埏祀典崇列肝蠻尊陳以卣鬯投犧豚遠超岳瀆陵
厚坤百法所進萬馬奔泡泡汨汨還渾渾沮洳洄洑失曉
昏高瀉直欲浮中原巨靈伸掌不敢捫蓄束幸藉山爲門

陽烏味縮鼃足蹲下穴龍蜃蛟鼉鼃雄吐雌吟卵育繁欲
出不可層波掀霜飈中夜迷征幡眾星倒影何燁燁車舍
檐積句陳垣大若懸甕小覆罇分野莫辨牛斗痕有時天
際生朝暾白毫萬丈慘不溫玉龍露脊遙蜿蜒乃是太古
堅冰嶂漢家使者辭帝閭遠過大夏經烏孫枯槎安得通
星源沐日浴月搖心魂鑿空或者乘鵬鷖或行陟險隨戎
軒弓刀列帳千軍屯窮冬草落山頂髡斧冰鑿雪勞炮燔
馬蹏半脫驪與驪車軸全折輓與輓清角夜奏同哀猿壯
士僵立愁還轅何如排風驅九鯢手握斗柄凌雲騫下瞰
大澤如盎盎儻遇博望毋卮言

趙懷玉字億孫號味辛武進人乾隆庚子召試賜中書
舍人歷官青州同知署登州知府有亦有生齋集

詩話惲子居稱味辛不惑於貴勢不牽於友朋經經
自立不厭不倦故集中所存無雜言詖義離眞反正
者綜其生平無媿斯語其詩有云立身稍
自愛人已目爲迂不合時宜言之慨然

七夕宿亦園作

名園豈辦浹旬游蹤蹟無端天意留乞巧已孤初上月曝
衣空閉最高樓一鐙寒破三更夢眾壑喧爭百道流恨殺
朝來洗車雨不教回腳渡牽牛

九陽道院

剝啄叩元關山深接太古道人不能言對客貌樸魯引我
登危梯高下共一俯秋色上鬚眉塵心斷鐘鼓嗟彼城市
人擾擾竟何補

白鶴道院

犬聲出深林一徑白雲冷殘桂散餘芬高松澄遠景到此

澹忘歸邈焉眾慮屏絕澗起秋聲寒潭發深省野鶴招不
來夕陽上西嶺

送管大

世銘

憶昔傾蓋時相逢已嫌暮憐才亮予驚起嫉由眾嫖挾策
走風塵流光換霜露君今已三黜我亦遲一顧竭來聚江
鄉飛觴更敲句說詩薄三唐探書窮四庫張膽破然疑拓
胸藏掌故何期忽分張離合誠有數分手復踟躕垂楊暗
歧路

淺草換野色嬌禽弄好音東風逐愁來暗與離懷侵游子
賦遠役慷慨奏長吟何如漸離筑孰奏中散琴班馬鳴蕭
蕭落日關城陰欲識情寄處桃花潭水深

作客苦踽涼良朋卽眷屬之子有同舟誼本如推轂邨店

晝傾醪蓬窗夜刻燭
峩峩鐵甕城隔江峙
浮玉勝侶幾流連
春光正繁縟詩酒總關心
山川供極目後夜互相思
孤帆何處宿

峩峩黃金臺坦坦長安道
冠蓋旣紛紛輪蹄亦擾擾
公卿多少年所貴致身早
恣睢丞相嗔辛苦侯門掃
枉尺雖直尋失多補者少
不見僅有華朝榮夕枯槁
主父五鼎食其志在溫飽
堅豈移磴磴白應全皜皜
窮達亦偶然榮名以爲寶

取德歌采葑攻玉他山石
羨君特達器願許武夫質
雄飛空企溫解擯嗟同壹
此意只自怡甘爲不知絀
行蹤旣已乖肝膽向誰述
局趣媿轅駒見聞嗟禪蠹
但保利斷金要終允貞吉

晚步白雲渡

野色蒼然來徘徊日云暮人生幾兩屐同輩此間步遠火
細明樓昏鴉亂歸樹結廬在前溪十年老蟬蠹溪上白雲
深笑指吾家住頗無車馬喧雅有朋交素叩須期共濟利
涉問前路結網亦何心褰裳自澗溯待月月未升清風起
官渡

千尺雪歌

支硎右轉峯高攢巒光如畫侵眉端中有元精在山骨六
丁呵護誰相殘凡夫處土眞健者斲削不使形神完手提
剛斧向山截砉然天地開奇觀神靈駭走造化洩銀河瀉
出流人間青天飛雨夏飛雪無風不斷聲潺潺蕭然冷色
上鬚鬢到此始信山稱寒匡廬面目安可識餘波往往驚

塵寰嗟我衣塵滿十斛枕流洗耳緣終慳何當更招聽雪
伴疎簾清簟過經年

林屋洞

湖寬地肺通土裂山腹厚初猶龕可容漸覺釜低覆蛇行
辭杖策蟻伏嫌襟袖驚霆左右轉駭石首尾鬪陰陽異早
潦明闇雜昏晝撲炬起蟄禽內跡闕陰獸金庭企靈威石
函虛篆籀始疑造化洩轉忤心志陋奇游儻可續敢惜疲
軀復

登莫釐峯頂

晨風湖上來吹雨過林麓孤筇上崇岡長嘯振虛谷乾坤
渺一身吳越送雙目水雲明晦異原渚高下複聲稀禽雀
喧氣盛魚龍族歷歷吳興帆依依陽羨木登高後重九涉

勝悔不夙胥母追晝游莫釐企前躅何當浣緇塵山椒結茅屋

雞鳴山歌

齊宮沈沈墮殘月閭闔初開九重闕美人夜起理明妝盡待君王向朝發君王朝發石頭城香車寶馬從風行東方未瞻紅日影北郭始報天雞聲雞聲漸稀日色曙君王射雉前岡去花眠柳暝不歸來別館離宮料應住青山雅稱開朱邸詞客三千集珠履書成鴻烈去作仙玉軸生光蠹魚喜莫向胡僧認劫灰空王那解世間哀高築層臺緣施食臺城進食幾人來六代煙花卷簾送繁華誰醒江南夢元武湖心三尺波半作溪田野人種

秋日過徐大齋頭留賦

難得晨星合相看各倦游好閒緣少賤多病畏深秋殘照
林初暝虛庭草自幽南州風義遠竟日爲君留

朱筠程

晉芳

兩丈招飲陶然亭

日下城西路重來十二年荻花寒作絮山色遠如煙客盡
東南美亭當城市偏蕭蕭一番雨人外此翛然

破山游興福寺

破山未破碎雨過色逾顯奔泉赴高下霜樹雜深淺肩輿
過精藍躡屐陟徑峴宅因郴州捨教遡蕭氏聞雷篆失謝
仙幢書剝陸展四僧荒草埋雙塔浮雲卷球虎事已遙鬪
龍跡猶辨傳聞明中葉倭警廢兵燹豈知厯劫後不礙諸
佛選潭影與嵐光長隨法輪轉

曉過羅喉嶺行十餘里憩潭柘

山曉日未高白雲圍似帳花明亂殘月十里同一望藍輿
陟崇嶺人面森列嶂忽然青蒼開金碧落天上不見柘干
章猶餘松十丈碑留明昌刻寺邈嘉福創泛觴隨波流折
竹引泉漾風來殿鳴翔鐘動篋蛇放遺蹤半泯沒過客猶
想像憑高俯傑閣陡覺心眼暢一拳峙中央九峯互環向
日光亭午低石色不肯讓閒房晝如年坐卧空色相山僧
謂余勞早具伊蒲餉

由岫雲寺後登山行四里至龍潭

流泉不知處但覺聲在耳稍盤過上方泉出繞屐齒澄潭
如洗盆一泓長見底曾聞故老傳潭實今寺址神龍喜聽
法風雨向夕徙小亭峙其旁周遭徧桃李沾衣溼蒼翠映
面半紅紫晴烘午雲熱明濯暮霞綺山僧汲泉烹茗椀頗

能理經春未見花偶樂可忘死下嶺仰見星煙昏寺鐘起

歸途二十里渡渾河登石徑山遇雨

回頭別羣山西望盡碧空豈知青未了山色忽向東巉從

邈雙闕詼蕩開九重林枯少栖鶻洞纍疑藏蜂虛無想金

閣黯淡留銅容遺經署元和高爵參盧龍

寺有佛本行經石刻款云元和

九年四月八日幽州盧龍節度使劉相公造

能邀定州歿始信大覺功至今來

游客證古名猶蒙

山名石徑一名石景以有徐開荆枳地佛本行經遺刻又名石經

力陟陂陀峯下臨駭無地上矚愁近穹桑乾塞外來至此

勢更雄飛聲撼諸天一聽三日聾塔孤勢疑動客懼不敢

從前山雨欲集歸路雲已封不辭沾衣溼藉慰久旱衷

寒食雨中獨過法源寺

微雨初停蕭寺車高軒乘興過誰家

訪王述菴侍郎不遇

東風連日

顛狂甚未到清明已落花

歷游三山大悲諸刹

經秋懶出門一日遍諸寺野衲頗逢迎精藍工位置情隨
陟境改氣覺與時異山茶開覆檐海棠紅照地無泉不琮
琤有石皆詭祕客先吾每緩此取彼或棄偶因煮茶留略
等逢場戲如行山陰道如讀洛陽記

立夏後二日伍堯侍講

法式善

招游極樂諸寺飯萬

泉莊復過聖化寺小憩而歸卽次原韻

郊行西復西彌望山色秀新霽釀薄陰朝暉出未透良朋
頗契闊是日各奔湊花事盛精藍茶煙颺清晝聊追方外
游藉洗胸次陋世網苦羈紲私心殊刺謬

侍講扶大雅所集皆名人哺啜亦風流周旋多率眞且爲

偷閒客誰證不壞身驚心斗轉已瞥眼參與辰谷風飄習
習池水生粼粼韶華去未久傷別兼傷春

言訪丹稜片車停似舟泊安得漁釣終盡解情愛縛聚談
互出奇有酒獨亦樂藤陰綠漸濃楸花紅不落名泉二十
八一一費疏鑿儻許遂重游甯辭趁雙腳

聖化接萬泉清淨隔塵土天風颯然來雲黑勢欲雨長河
波浪闊絕巘松杉舞已收臺池勝遂以原野補客懶或未
從境幽當遠取惟嫌文字習面壁愧初祖

南園

南園經歲別秋到一徘徊野水隨潮漲孤花背客開乍欣
殘暑退剛被夕陽催舊侶都星散去秋吳祭酒錫麒洪編修亮吉楚僧可韻皆寓
此蕭然獨往來

小樓新闢西窗雪後坐眺

宅北有小樓牆高與樓齊偶逢陰晦日幾令晨昏迷其東
亦峻垣瞻眺宜於西命工築爲竇因方恰如圭明收二曜
入遠可萬象稽昨宵朔風緊飛雲遍前隄曉起試縱目如
向瑤臺躋屋舍互隱現鹽絮紛端倪林霧散復聚炊煙颺
還低犬噤不得吠鳥宿難爲噉門誰閉洛陽舟孰訪剡溪
此時何以遣賴有壺榼攜體物命阿胡勸醕惟鴻妻倚窗
恣嘯傲被褐失冷淒但求雙膝容遑計廣廈栖醉鄉信堪
隱俗客無繇擠陶陶永日夕屑屑忘筌蹶漸覺檐溜歇殘
雪消爲泥

游永濟寺

重遡游蹤卅載更恰來初地認題名暗泉時向巖前滴老

樹都從石罅生僧俗那能離世障花殘猶自媚春晴忘情
我羨娑羅子紅豆空勞淚結成

磨盤山

入山疑無門到口勢忽東稍進偶夷坦徐行仍繚曲遲同
螳旋磨捷異猱升木轉豈止七盤至非能一蹴畫真壁上
觀地訝壺中縮雲罅日微逗雨餘樹新沐回頭舊路失身
已山之麓

興善寺

入秋一月雨病客興蕭索今日趁新晴肩輿出南郭人言
興善寺地勝可棲託扶童恣眺覽果使心眼擴清陰竹樹
紛秋色丹黃錯槿亦暫敷榮桂猶遲破萼山僧意殊厚續
有重陽約且喫趙州茶勝嘗康子藥頓教萬緣空肯受六

根縛何當驅病魔重理雙芒屨

馮宸字百史號助齋代州人乾隆庚子舉人歷官衢州
峽口同知有助齋詩鈔

和汪薌圃丈甲寅元日題門韻

地僻眞教遠市囂何曾爆竹聽終宵年隨馬齒駸駸長事
共鴻泥漸漸消是處朝正沸車馬何人曲宴隔雲霄無端
振觸春明夢如此韶光度寂寥

秋日同金手山孫小蘭游法源寺和手山韻

晴煙一碧散林霏馬首西山對翠微稍待朋曹問黃菊莫
論人海化緇衣滄桑幾劫唐餘刹身世都空漢上機堪歎
華亭老居士僧廬息影竟忘歸

趙黻字亞亭號杞堂滿城人乾隆庚子舉人歷官紹興

同知

詩話吧堂官浙中歷泰順龍游仙居嘉興諸縣皆有
善政在嘉興最久去思尤深喪還士民多爲之慟並
墓遺象藏楞嚴寺爲主祀之

雷門吟

餘姚有余霖四十老一衿謁我戢山麓涕出悲不任謂公
今詩史乞爲雷門吟我兄名曰震雷門乃其字霖生託遺
腹母老欲見棄兄嫂爭乳之兄怙嫂則恃母亡霖六齡九
齡兄授經霖愚復多病支柱求葠苓病則奪書笈愈則還
鐙檠欲繼先子業恐傷予季情迴憶七齡時兄子同病瘍
戒嫂善視叔叔愈他何傷日夕嫂抱持兄子擲在牀我唬
嫂則泣我笑兄則歡三十授弟室黽勉庠序間嗟我衣上
綫嫂淚存斑斑嗟我笥中書手澤兄丹鉛兄嫂六十沒合

葬上林村南山宋家隩有我兄嫂墳兄以貧廢學爲醫活
千人活者慟兄死安得贖其身霖困蓬蒿中懼掩兄嫂賢
椎心泣血辭願公采斯言我爲一一書孝義至斯止愧彼
尺布謠用以資國史

蔣香雪招飲蓮亭次魯晚蘭韻贈之

軒窗高敞暮春初鎮日清談眞曠如坐久渾忘新月上竹
聲人影共蕭疏

華蘭字省香號春浦天津人乾隆庚子舉人官全椒知
縣

江鄉初夏卽景

三間茅屋傍江居椿繫輕舟認老漁細雨新晴斜日好柳
花橋畔賣鱖魚

賈湘字匯川號約園河內人乾隆庚子舉人官元和知縣有養筠軒詩藁

邯鄲盧生祠

適從去處來復從來處去僕僕輪蹄間大夢幾曾寤蓬鬢彫晨風征衣浣曉霧夢醒人閉門門外夢中路

自慰

澆花力倦午風徐一枕羲皇意自如夢去不知身是蝶樂來安見我非魚惟貧恰與閒相稱得靜何嫌懶未除滿院綠陰張翠幄翛然吾亦愛吾廬

沈雲尊字青上號若汀元和人乾隆庚子舉人官元城知縣有若汀自定草

栽柳謠

栽柳復栽柳伍伯持官符下鄉索錢如索逋十株之值不得買一株栽柳隄兩旁灌漑日夜忙枯死不汝貸敲撲責補償上官按部行阡陌新柳濛濛拂憶碧獎此良有司奉令果稱職鄉氓或訴徵斂奇戇直翻遭上官呵柳株之值能幾何

捕蝗謠

急捕蝗令如火事關官黜陟小民焉敢情東村西村辦酒漿胥隸雜遝來捕蝗蝗兮蝗兮驅不去禾稼轉受蹂躪傷我聞古人語螟螣蠹賊各有主吏治貪殘實自取胡爲罰弗及吏反及民嗟我婦子罹苦辛官今報蝗不爲害大府交章薦治最

陳學典字潛厓廣東海陽人乾隆庚子舉人官金縣知

縣有小蓬亭詩草

詩話潛厓爲蓮山曾孫蓮山詩吳次尾施愚山皆稱之潛厓承其家學詩旨和雅近體兼劉文房錢仲文之長其父硯村有蓬亭集故稱小蓬亭

姑蘇懷古

霸國江山誤一顰
屨廊娃館久灰塵
懸門徒挾觀兵眼舞
市空憐看鶴人明月灣
虛寒野橘垂虹橋斷冷秋葦
莫聽山寺夜鐘落湖水長流今古春

沙琛字獻如號雪湖雲南太和人乾隆庚子舉人官霍

邱知縣有點蒼山人詩鈔

姚惜抱曰沙君爲錢南園侍御之友既以吏治顯而又兼詩人之高韻逸氣幽潔之思雋妙之語峯起疊出與南園抗衡信乎滇之多奇士也

漢江曉霧題大隄水榭

大隄紅亞花朦朧呀呀柔艣鳴虛空曉意欲雲雲不雨捲
簾一片青濛濛美人攬鏡籠紗裏失卻窗前山邈迤低回
郎意不分明一下紅樓幾千里

刺桐花曲

刺桐花開紅簇簇花裏青樓春酒熟低枝繫馬葉幡幡翠
袖壓杯花映肉欲行不行驄馬嘶樸蔕飛花點客衣

蘭溪道中

泉響四山空石深秋氣聚密竹連溪崖積翠自成雨野渡
杳無人人聲隔煙語

春日卽事

天柱一峯出今朝應是晴崖陰翻瀑雪雲氣曳松聲茅舍
稀人事山田帶石耕荒塗難可憩林壑慰飢行

萬綠繁陰合殘紅亂雨飄人家不知處澗水曲通橋松蕊
攢金粟藤花幔紫綃山林隨處好春事亦偏饒
返照帶溪雨空濛江上山漲迷前日渡舟出翠微灣花落
草逾碧春深人未閒幽芳心自惜延佇水雲間

玉龍山

東下汲州嶺明光炫煙靄雪山直北來挂影青天外前峯
如卓珪信桓翼其背陂陀遞迴峯三英復西萃聯嶺側東
出漸遠勢如墜屹崿百千重集銳叢旌飾晶瑩四無薄玲
瓏錯蒼翠隱隱金沙峽盤折鬱深邃雪水湧長江布潤孰
斯大固宜天地構有此巨壤麗河伯駭望洋夏蟲語冰怪
彷徨汗漫期奇絕茲游最

迤西道中

蒙茸綠嶂感人家樹底長橋石塹斜三十六灣蘭谷響猩
紅開遍刺桐花

雨後秋光闢鏡奩曉峯重疊黛痕添閒雲也戀人寰好山
下渟渟懶上尖

夜坐

松風吹斷續搖蕩吼蒲牢熠熠星辰大隆隆地軫高暗山
分遠雪漏海隱奔濤泡影含遮異聲聞等是勞

王鐔字元音號雁宕吳縣人乾隆庚子舉人官定邊知
縣有小輞川詩鈔

定邊雜詠

紫塞推巖邑烏延託宦游星連西極迴月寄北庭愁萬里
沙飛雨千山雪釀秋非衙操割命肯向此淹留

龍馭時巡遠民廬舊寢宮

聖祖巡邊駐蹕甯夏討服賀蘭山後諸部路經定邊循范姓

民青苔緣闥古蒼鼠穴階空笳靜關山月弓鳴草木風廟謨能制遠宛馬歲來東

西邑天戈指軍行萬里強陣雲連地闊塞草竟天長逐隊紛驚鸛迷途困驢驢晚來亭鄣望日落戍旗蒼

綏遠城遇雨

雄城屹立壯三邊山勢峻嶒雨勢連隔嶺旂裘千帳雪守陴熊虎萬家煙沙灘雁落風頭猛磧外虹垂日腳穿歸騎平衝波浩淼障泥不惜疾加鞭

過峽石

羣山相湊窄石徑上千盤人入煙霞裏車行劍戟端殺尸留昔恥陵雨至今寒未暇談秦帥心驚度險難

鄭師字吉夫豐潤人乾隆庚子舉人官通州學正有晚

香詩草

商城春行

綠楊深處遠聞鶯郭外芳塘水色清兩岸桃花新著雨夕陽一半繞商城

張象津字漢渡山東新城人乾隆庚子舉人官濟甯學

正有白雲山房詩集

詩話漢渡治宋學詩多見道之言而通峭清空不墮理障其枯槁歎云城中達官夢初醒美人素纓汲銀瓶輓轡卻向雕闌聽非詩人不能道

柳下

柳下聽鳴蟬微陰驅薄暑岸闊蓼花風石淨綠蘿雨汎汎水禽嬉波上久容與悵然念遠人日夕渺何許

登樓

晨起日色昏村落隱輕霧相將樓上來豁然乾坤露晴高
大峴雲秋遠濟陰樹海山何處歸萬里如可步

雲若築室顏曰寄齋索詩爲賦此

風輪轉大千一塵緣飛墜塊然升降中生物息相吹遐睎
盡寰宇俯仰緬身世稊粟落大瀛狹鉅兩不異形骸寄須
臾況又寄所寄彼哉憤憤者瑤璇起平地所居僅容膝胡
爲勞遠致深謀裕千載展轉無終旣會見瓦礫塲離離長
秋穗始藏孟嘗君終下雍門淚爰有達生人空洞無物累
一室羲皇前嗒焉齊醒醉而以寄名齋謂與齋相值有寄
卽有歸若歸於何庇君言歸何有神馬意爲轡當其意盡
時萬緣風雲慧寄無歸亦無言寄乃非僞人事渺無窮紛

營無愚智道術亦各出深巖難擬議孰爲楚莊周孰爲魯
展季援筆爲賦此略見山樞意後來者誰與勿謂斯言戲

桔槔歎

城中禱雨城外晴城外禱雨赭雲生赭雲散盡暮天碧城
外徧起桔槔聲桔槔徹夜聲不停判將身手與天爭天公
仁閔覆蒼生百神司命周八紘雨師喚雲雲不騰雷公鞭
鼓鼓不鳴付與桔槔自作程桔槔非人水不行鶴俯鶴啄
尻首并汗流漬與井榦平畦中依然水不盈苗稀散作魚
尾蕪夜闌氣盡聲不盡隱隱倦力相支撐此時肅肅曉風
清城中達官夢初醒美人素纓汲銀瓶轆轤卻向雕闌聽

憶臨胸山居

三載秋風勞夢魂曾經採藥入煙村四山紅葉客雙屐一

塢白雲家半門宿果收完芳樹老名花開盡石牀溫武陵
舊事憑誰問擬殖田廬長子孫

杜漢字鳴皋滕縣人乾隆庚子舉人官冠縣教諭

詩話乾隆庚子鳴皋領解首以能詩名乙酉德州李
東圃有基領解首亦以能詩名東圃以辛丑成進士
作宰嶺南詩哀然
成集並通易義

月夜

露下天氣清蟋蟀悲秋草獨眠感良夜散步出林表爽籟
生遙空明月驚宿鳥荒寺動鐘遲寒村息鐙早卻顧所來
徑煙深人悄悄

戈澣字仲坊號南村獻縣人乾隆庚子舉人有追逋集
題丹崖老人畫冊

懸崖大石危欲裂卧澗虬枝怒欲折展卷大叫詫奇絕先

生使筆筆屈鐵卻下前溪勢漸平蒙茸芳草被隄生有人
負手逍遙立上有黃鸝深樹鳴

眼鏡分韻得可字

少年觀書如觀火偏傍點畫推細瑣年老雙目漸昏眊
目空花飛朵朵臨池未寫意已疲展卷欲誦眉先鎖
黶黶何物乃爾神能使精力還故我兩片輕冰徹底明
滿輪蟾影淩虛墮魯魚豕亥辨毫釐大似燃犀走輕舸
朝朝鉛槧那辭勞夜夜校讐猶自果我笑杜陵對佳節
看花常愁霧中坐又笑東坡觀細字向龍乞水計何左
至寶無由持贈之若令一見應許可

撲滿分韻得復字

空其中碩其腹以瓦爲之代篋櫝上開狹孔容一錢
嚮向

兒曹作私蓄入竅雖易出竅難抱持把玩從翻覆不勞費
肩鎬不須防厮僕但嗟器易盈滿便遭敲撲鏘然一擲落
紛紛青蚨遍地如撒菽黃童快意白叟笑終歲積來不盈
掬金穴底深深銅山高矗矗既足遺子孫兼之贍親族
我幾能幾何曾不給餽粥小兒作計良足嗤壯夫謀生慮宜
熟我曾四方事奔走蠅頭也共人逐逐囊漏甯餘潤筆資
舌耕詎有逢年福當時誤信太白言千金散盡還來復人
生由命匪由他韓子至論今方服枉羨金滿籬空買愁千
斛甯甘壁立貧不效窮途哭萬卷從來敵百城且收殘編
充敗簏

阻雨寶田家

相對話淫潦愁陰何日開驚聞茶鼎沸又道雨聲來屋避

淋淋漏階封步步苔農家方望歲婦子倍增哀

井陘道中山色甚佳前游未之奇也

昔畏井陘道亂石如猛虎今愛井陘山遙峯如靜女前歲
與今歲所歷非有殊今乃下心意昔但憂馳驅譬如讀異
書聾牙初不免既深遂忘疲文奧義自顯紫翠非一狀煙
巒逾千重延綿不可極轉轉相爲容是歲秋雨足宿麥有
萬畝環山一翦齊綠若春初韭既以增斌媚彌用清心神
又如畫功妙設色多于皴翻恨迫長途不得恣幽討何當
萬峯巔一覽羣山小同行無朋侶誰與賞此奇願笑語僮
僕頑石亦解頤

王旒字練九安陸人乾隆庚子舉人

桃花巖

幾回立馬望清暉
纔得攀蘿入翠微
一代客隨流水去
三春夢逐落花飛
雲山西擁峯巒盡
煙壑東開草樹稀
我欲誅茅分片石
嗟跼不覺素心違

陳從潮字瀛士福安人乾隆庚子舉人有韓川詩集

慈烏歎

慈烏育雛大雛今失慈烏可憐
夜夜唳聲孤唳聲孤唳淚枯
反哺能到夜泉無

晚晴移詩匯卷一百二終